



Broj: 03-50-1-60-18-5/10

Sarajevo 22.12.2010. godine

ZAPISNIK

18. sjednice Odbora za žalbe građana Parlamentarne skupštine Bosne i Hercegovine, održane 20.12.2010. godine

Osamnaestu sjednicu Odbora za žalbe građana Parlamentarne skupštine BiH sazvaio je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Ermin Pešto, Marijan Milićević i Hamida Karčić - članovi, te Aida Kreho - privremeni sekretar i Željko Grubešić- savjetnik u Odboru za žalbe građana Parlamentarne skupštine Bosne i Hercegovine.

Mate Miletić i Danica Berić nisu prisustvovali sjednici iz opravdanih razloga.

Sjednici su, također, prisustvovali: Rasim Redo iz Granične policije Bosne i Hercegovine, Ramiz Škulj i Predrag Krsmanović iz Državne agencije za istrage i zaštitu, Fatima Miletić iz Policijske misije Evropske unije, te Zoran Brkić iz Sektora za odnose s javnošću Parlamentarne skupštine BiH.

Sjednica Odbora počela je u 13 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 17. sjednice Odbora za žalbe građana Parlamentarne skupštine Bosne i Hercegovine;
2. Razmatranje žalbi na rad pripadnika Granične policije BiH (izvjestioci: Mate Miletić, Amela Bašić, Hamida Karčić);

3. Razmatranje žalbi na rad pripadnika Državne agencije za istrage i zaštitu (izvjestilac: Marijan Milićević);
4. Tekuća pitanja.

Dnevni red je jednoglasno usvojen.

Ad.1. Usvajanje zapisnika sa 17. sjednice Odbora za žalbe građana Parlamentarne skupštine Bosne i Hercegovine

Zapisnik sa 17. sjednice Odbora za žalbe *jednoglasno je usvojen.*

Ad.2. Razmatranje žalbi na rad pripadnika Granične policije BiH (izvjestioci: Mate Miletić, Amela Bašić, Hamida Karčić)

Obzirom da je Mate Miletić bio opravdano odsutan, razmatranje predstavki po kojima je on zadužen kao izvjestilac, odloženo je za narednu sjednicu (predstavka broj: 03-50-1-20-16-3/10 od 19.10.2010. godine, te predstavka broj: 03-50-1-60-17-3/10 od 24.11.2010. godine).

Amela Bašić prezentirala je predstavku broj: 03-50-1-60-17-1/10, od 10.11.2010. godine. Predstavku i Izvještaj po predstavci, te sve radnje poduzete u postupku obrazložio je predstavnik Granične policije BiH. Također, članovima Odbora dostavio je i sve dodatne dokumente pribavljene u postupku rješavanja predstavke. Nakon diskusije u kojoj su učestvovali svi članovi Odbora, Izvještaj Granične policije BiH jednoglasno je prihvaćen.

Također, Amela Bašić zadužena je kao izvjestilac po predstavci broj: 03-50-1-60-18-1/10 od 08.12.2010. godine. Predstavnik Granične policije BiH obavijestio je članove Odbora da su navodi iz predstavke ispitani, te da je predstavka odbačena kao nepotpuna. Naime, podaci koji su bili neophodni za dalje postupanje nisu se mogli dobiti od podnosioca predstavke, obzirom da je predstavka anonimna. Članovi Odbora jednoglasno su prihvatili Izvještaj Granične policije BiH.

Hamida Karčić ukratko je prezentirala predstavku broj: 03-50-1-60-17-2/10 od 12.11.2010. godine. Predstavnik Granične policije BiH obrazložio je članovima Odbora Izvještaj o predstavci i sve radnje poduzete u postupku rješavanja navoda iz predstavke. Članovi Odbora zamolili su predstavnika Granične policije BiH da dostavi i podatke iz evidencije koja se vodi

na graničnim prijelazima, te odlučili da se o Izvještaju, u predmetnom slučaju, izjasne na narednoj sjednici, odnosno, po dobijanju tražene informacije.

Ad.3. Razmatranje žalbi na rad pripadnika Državne agencije za istrage i zaštitu (izvjestilac: Marijan Milićević)

Marijan Milićević, zadužen kao izvjestilac po predstavci broj: 03-50-1-60-16-2/10 od 14.10.2010. godine, prezentirao je članovima Odbora predstavku i dostavljeni Izvještaj. Potom je predstavnik SIPA-e izložio slučaj i dao članovima Odbora sva potrebna pojašnjenja. Članovi Odbora su, zatim, jednoglasno prihvatili Izvještaj.

Također, Marijan Milićević zadužen je po predstavci broj: 03-50-1-60-17-4/10 od 29.11.2010. godine. Predstavnik SIPA-e obrazložio je predstavku i Izvještaj, odnosno pojasnio da se radi o anonimnoj i neosnovanoj predstavci. Članovi Odbora jednoglasno su prihvatili Izvještaj.

Članovi Odbora za žalbe građana razmatrali su i predstavku broj: 03-50-1-60-18-2/10 od 30.11.2010. i 13.12.2010. godine. Obzirom da se ne radi o predstavci na rad pripadnika Granične policije BiH ili Državne agencije za istrage i zaštitu, članovi Odbora jednoglasno su odlučili da nisu nadležni postupati po navodima iz predstavke, te su je odlučili uputiti Ministarstvu unutrašnjih poslova Hercegovačko-neretvanskog kantona.

Ad.4. Tekuća pitanja

a) Izrada Prijedloga izvještaja o radu Odbora za 2010. godinu

Članovi Odbora razmatrali su Prijedlog izvještaja o radu za 2010. godinu, te odlučili da do naredne sjednice dostave svoje sugestije i prijedloge u cilju izrade finalne verzije Izvještaja o radu Odbora za žalbe građana koji će se dostaviti Parlamentarnoj skupštini BiH na usvajanje.

Sjednica Odbora za žalbe građana završena je u 14.30 sati.

Privremeni sekretar
Odbora za žalbe građana
Aida Kreho

Prva zamjenica predsjednika
Odbora za žalbe građana
Amela Bašić